


Pa-bugera-waiwe

Ngihige'nne jurata tutuna-ge Maràba Yesus.
Dadi naranewe tutuna i Yesus
bana-patàgaha ata kalawara.
Nayii payaa ta ata pata rata.
Yesus na-panua jàlana ata buta.
Ràde naranewe papede-yi wali ta
Jurata Katengu-na.
Ba beka pakeju-we'nne jurata,
paràpa-ge kejuwe jurata duuge.
Nimi jurata-lage padau paràpa-di
naranewe tutuna Maràba Yesus.



BS
315
L32.8
1977

AR44723

1. Yesus na-pamaringi-yi lakawa



Hadàka, dadi ata ka-marànga-na lakawa
ta barana i Yesus.

Da-kamàdi-ge, kana-sem-baya-di i Yesus,
kana-bijala-di lima ta pànu marada-da,
kana-pamaringi-yi.

Bolo ana pakodo palole-na i Yesus da-heridi.
Linadi ana pakodo palole-na i Yesus,
"Pahaidi ràda lakawa kadamai ta baragu,
ila mi-heri-kadi.

Oro ata ka-taudada-pona ràde lakawa
ka-madàmu-ge,
ba i Ala ka-pareha-yi.”
Na-bijala-di lima i Yesus
ta pànu maràda-da ràda lakawa mono
na-pamaringi-yi.
Ba na-be pa-miringi-yi ràda lakawa-ge
kako-nage i Yesus.

Mat. 19 : 13 - 15



2. Yesus na-patàgaha ata buta

Hadàka napàne i Yesus ta pànu iha wu
lete dokuna, nangodo.
Buta tàka ata kama i barana,
mono da-ngidiyi ata ka-kaliku,
kamoro, ka-kabeko, ka-kabànga
mono dabute-dumo ata kalawara.
Da-bijala-yi ràda ata kalawara
ta bara koko leduna i Yesus.




Na-patàgaha kàhayi i Yesus.
 Da-hangatàra ata buta, badaeta-yi
 ka-kaliku ba dakako,
 kamoro ba daeta hàga, ka-kabeko ba da-tagaha,
 mono ka-kabanga ba da-panewe.
 Nyidawe-ge ma dahadi daikayi i Mori.

Mat. 15 : 29 - 31



3. Bebe ka-jàlora

Hadàka, i Yesus na-matutra ta ata,
 "Aga lina-dawe pa-pangàda-mu?
 Agawe ràka parina iha wu ata
 kamangu bebena ngahu
 ba na-jàlora-ka wu wali ta olena?"
 Na-baleha dauwe i Yesus,
 "Nada ata engà ijaka-nadi ràda wade bebena
 manyàpa ta pànu letena,
 mono nakako mayega-ni nàda bebena ka-jàlora.



Ba najàmu-kaduyi nàda bebe ka-jàlora,
rehi na-ege-dapowe atena
dubu ege-ate dāngana-di ràda



kabani-diha kabulu kabani-diha bebe ai ka-jàlora.
Na-palodo-ge i Yesus,
"Tauda jàlana Amamu ta sorga wàle nabaima-ge
languka wuka ata ka-jàlora."

Mat. 18 : 12 - 14

4. Yesus na-patàgaha-yi wu ata moro



Hadàka, i Yesus nadiki ta batu parona
nà-marànga-di ana pakodo palole-na.
Da-ngidiyi wu ata moro neda ta i Yesus.
Da-karaiwe ka na-patàgaha-yi i Yesus nàda ata
moro Yesus na-hamàno-nani limana nàda ata
moro mono na-hamadi-yi hūna wali ta parona.
Yesus na-ora-nani we tarumi matana nàda ata,
mono na-kanuka-yi,
"Dabe-ge tauna paetamu?"

Nàda ata moro natoro ta aro, mono linage,
"Ngo, gueta-wa ata, bolo mera pu yayu
kakako-damuyi ba-gueta-yi."
Na-hamàno-pi nadi matana i Yesus.
Nàda ata naeta tàka hinguna-ge.



Matana na-tàgaha-yi, mono naeta hira dàbawe.
Na-palewa-yi i Yesus,
"Ila muhaga-pika ta parona."
Na-palewa-yi nàda ata hàga
pakita-na ta umana.

Mrk. 8 : 22 - 26



5. Yesus nayidi payaa pata rata ata

Hadàka, tamra pa-tàgaha-na ata buta
i Yesus ta ngabera lete dokuna.
Na-kamaika-di ana pakodo palole-na,
linadi,
"Na-maràbeha-we ategu ba gueta-yi ràde
ata buta,
tauda làdo-bedage ba dadokuga,
mono dukadi payaa-da batauge
wàle gu-aumawa pahaidi ba-dakako kalàba,
oro da-kareba larapo-lage.



Ana pakodo palole-na i Yesus da-matutra ta barana,
 "Marau dahingu-dage wali ta parona.
 Aga lidada ba-da mayega-na payaa pa-habokta waidadi ata katauna butana?"
 Na-kanuka-yi i Yesus,
 "Pira taudi payaa kadana ta barami?"
 "Pitu kabolo-di kababa," lidage.
 "mono da-walidi liwuta ana kaboko."
 Yesus na-palewa-yi ngodo rada ata buta.
 Nangala-yi i Yesus rada kababa kapitu kabolona,

mono rada kaboko,
 na-pamanuta-yi i Ala,
 mono na-hi-hibiyi rada kababa.
 Be, ka-nayida-di ana pakodo palole-na.
 Dabawe-yi rada payaa ta ata buta.
 Padukawe boktada badayaa-daba.
 Ana pakodo palole-na i Yesus
 ba dakaha-yi rada kababa mono kaboko karehi,
 nabanu-podi pitu habura.
 Nyi rada kayaa pata ratayi kabani,
 wale yapu-madi lawai mono lakawa.

Mat. 15 : 32 - 39



6. Yesus na-patàgaha-yi wu ata katobu



Iha làdo i Yesus na-panuana ata wali ta panu lete dokuna. Ba nabe pa-panuana ata naburu i Yesus wali ta pànu lete dokuna, mono nabuta ata ka-dokuni. Wu ata katobu àmini karàda ta arona i Yesus, lineage, "Ama, bamu-au-kaduwu ama, mu-màkaga pa-patàgaha-wa." Na-pajola-na limana i Yesus, mono na-wodaha-yi nàda ata.




Gukabu-atege rayige" linani, "tågaha-wuge!"

Nyi-nyida mewawe-ge ba nalaiwe pàdiha-na nàda ata, tågaha-nagege.

Nyi-kalina-ni i Yesus:

"Patowu, ila dahingu-kana padau dulkamu-ge bolo kakowu pakita-na ta rato, kana-pareha-wu. Belage ka-mungidi-wu maraka, dokuge pareha-na i Musa ta Jurata Katengu-na. Nyidawe pa-pahira waiwe ta ata ba-tagaha-muge."



7. Àmaha kaka kabunga

Iha làdo, i Yesus na-kanuka-yi ata buta,
 "Agawe paràina wu lawai,
 kamangu àmaha kakana kabulu bàla.
 Iha làdo, ba nyibunga-na wàla àmaha-na
 ta padau ka-kapagita-na?"
 Na-baleha dauwe i Yesus,
 "Nàda lawai engà parewo-nage lati-wena,
 na-habowe umana,
 mono na-hamàtara-ni ba na-mayega-ni
 nàda amaha-na kabunga, kàha ba-najàmu-yi."



Ba nabe pa-koleni nàda àmaha kakana kabunga,
 engà kamaika-nadi olena
 mono bara umana, lopo engà lineage nàda lawai,
 "Maida ka-daraya rame! Na-egewe ategu,
 oro ba-gukole hàga-duni nàda àmaha-gu
 kabunga."


"Tauda jàlage, malaikat-malaikat-na Maràba Ala,
 engà egeni ateda, wu ata jala, ba nyijàra-kanadi
 jalana."

Luk. 15 : 8 - 10

AKX8433

1. Yesus na-patàgaha wu lakawa patama-na wàdi japata

BS
315
L32.18
1977b



Iha làdo, àmini wu ata, na-kataba ta arona i Yesus.

Linage nàda ata:

"Ama, manawara-ki-gani anagu, kapàraka-nage.

Na-paàli hinguwe kapàraka-na, na-kàli monu ta we waleka ta làti.

Ngidibe-dani ana pakodo palole-mu, bolo wàle damàka-mani pa-patàgahayi,"

Na-baleha-we i Yesus:



"Agana-ge ma walemu patena-yi i Mori mono
aga linada-hinguwe tilrami?
Pira taupoge madige ba guenga-na ta barami?
Pira taupoge ba gu-pamaloya-gimi ate?
Ngidiga-ni nàda lakawa ta baragu."
Nyi ka nawuga-yi i Yesus nàda wàdi japata.
Bege nàda wàdi japata nayelani nàda lakawa.
Nyi ka na-tàgaha mema nàda lakawa

Mat. 17 : 14 - 18

2. Maraka-na wu lawai balu kamila



Iha làdo, nangodo i Yesus ta bara pàti
maraka ta Uma Ala.
Na-hamàtara-di ràda ata ka-patama-na
àmaha ta pàti maraka.
Buta ata kapote, ka tau pabuta-ni
àmaha nàda pàti.
Bege àmini wu lawai balu kamila-ki.
Nàda lawai balu na-patama-na do bàla
àmaha màraha, da kabulu arupi-pedi.
Yesus na-dàheka-yi ana pakodo palole-na,
mono linadi,



"Pato patidi-na, maraka-na nàde lawai balu àtuda-podi hi' di ta barana i Ala, dubu maraka-da tângada ata wade. Oro ata wade yidada-ge wali ta hapote-da ka majabola, bolo nàde lawai balu kamila yidada-di àmaha-na tanga pa-hi waina payaa. Yi kàhana-ge tângage kadana ta barana, tângage pa-moriha waina."

Mrk. 12 : 41 - 44

3. Yesus na-patàgaha-yi ata ka-katilu lopo ka-kabànga jàla



Dage padàka, ba dangidi-yi ata wu ata ka-katilu lopo ka-kabànga jàla ta arona i Yesus.

Dakarai-yi i Yesus, tànagu i Yesus ka naijala-ni lima nàda ata.

Bege i Yesus na-palihike-ni nàda ata katilu wali ta ata buta, nyi ka daduda-pe i Yesusda.

Na-tarumi-na i Yesus mono nanàto-nage
làmana nàda ata.
Bege na-patama-ni karàki limana i Yesus
ta katilu-na nàda ata,
tamra tangara-na ta langta, nangahu dete,
mono linage:


"Ma-bugera-wu!"
Nyi payàda-dawe ba na-tàgaha katilu-na
nàda ata katilu; na ma-bugera;
mono làmana na-tawàlaha-we.



Naingta panewe padàha-nage.
Bege i Yesus na-pauna-yi reda ata
kadana neda,
ila dadulka-kawe ta ata heka
ba agawe'nna kadadi.
Bolo, rehi herina-ge i Yesus,
rehi gi toma gi dikiwe ba talara-ge.
Da-hangàtara tetàka ata mono lidage
ba dapanewe,

"Yesus na-padàha kàhawe,
ata katilu na-padadi-ge ba darànge,
ata kabànga na-padadi-ge ba da-panewe."

Mrk. 7 : 31 - 37



4. Yesus nakako ta pànu we

Ba manari gàdina-ge, ana pakodo palole-na i Yesus tau nutuda ta taska.

Dawaina tena, ba dapala-ge taska, aro nutu ta parona Kapernaum.

Kàha ba nagàdi-ge, wàle nadiki-ma-hodi i Yesus.

Na hawarata na-rereha, mono ngalungu na-mapalu ta tena.

Ba pata lima watu pa-padede-ge ba dabohe-yi tenada ràda ana pakodo palole-na i Yesus,



nyi eta payàda-dani i Yesus
ba na-dàheka-yi tena,
ba nakako ta pànu we.

Hàda madauta-yi,
bolo linage i Yesus,

"Ilami madauta-ka, nauwa-'nna 'nne, gurumi."
Dubu da-au pahiba-yi i Yesus tama ta tena.
Nyida memawe ba dadiki-ge padau aroda.

Yoh. 6 : 16 - 21

5. Yesus na-patàgaha ata kalawara ta Genesaret



Dage iha làdo i Yesus mono ana pakodo palole-na ba da-pala-na taska.

Dadiki ta Genesaret, mono daburu-da neda.

Ba tamra huda wali ta tena, wingu tadada-ni i Yesus.

Reda ata ta kalingora-ge, damala-lai, daraka-di ata kalawara ba dangidi-nadi i Yesus.

Dangidi-yi ata kalawara ta padauna i Yesus pa-madàmu-da.



Dangidi-yi ràda ata kalawara ta paràgana padau maina i Yesus,

walida ta iha desa — iha desa

iha kota — iha kota

mono iha parona — iha parona.

Dakarai-we ta i Yesus,

ka napahai-ge ba jojayi,

langu kajoja-da kanage kalàbe-na i Yesus.

Mono tângana ata ka jojawe 'nna kalàbe,

da-tàgaha tàkada.

Mrk. 6 : 53 - 56

6. Ata tada mono ata kabànga karayi-na uma



Padàka, linage i Yesus:

"Iha ata — iha ata karànge-gage lii panua-gu mono kadoku-ge, natuja-yi ata tada karayi-dana umana ta pànu tana katuu." Naburu ura, àmige lai we mono najoja-we warata kàla



bolo wàle nabuka-mawe 'nna uma, oro ba padede-dawe ta tana katuu. Lina domoge i Yesus,



"Ata karànge-gage lii panua-gu,
mono wàle nadoku-ge,
tujana-ni iha wu ata ka-kabànga,
ka-padede-da umana ta pahalai.
Naburu ura, àmige lai we
mono najoja-we warata kàla
bukana-ge 'nna uma.
Hàladau-we manyegara-ge!"


Mat. 7 : 24 - 27

F

N

n

7. Yesus na-pakanawa warata



Padàka, napàne i Yesus ta iha wu tena,
dadoku-ni ana pakodo palole-na.
Nyi mawuda payàda-dana warata
neda ta taska padau pakako-dani tena,
lodo tamana-ni we nàda tena.
Bolo tamra dura-monage i Yesus.
Nyidawe ma ka-àmidi ana pakodo palole-na
i Yesus paràdu-yi, lidage,
"Guru gatama,
buloda-ge-lage!"
Na-baleha-we i Yesus,



"Àha ma mi-madauta-mi?
 Wàle ana-manage lewara-ge patena-miga!"
 Kàdena-ge i Yesus,
 na pa-kanawa-yi warata mono ngalungu.
 Wingu kanà nara dahingu-nage 'nna taska.
 Ana pakodo palole-na i Yesus kadana neda lari
 ta tena, da-hangà tara, mono lidage:
 "Aga ata katauda-nani nàde ata,
 ma nadoku-kani warata mono ngalungu?"

Mat. 8 : 23 - 27

Pa-kanuka-na

1. Yesus na-patàgaha-yi wu lakawa patama-na wàdi japata.
 - A. Aga padiha-nage nàda lakawa?
 - (a) kalàngo
 - (b) kapàraka
 - (c) kayàduka
 - B. Yesus nawuga-yi
 - C. Aga linada nàda lakawa ba nabe payelani wàdi japata?
2. Maraka-na wu lawai balu kamila.
 - A. Agayi pa-maraka-na ata pote?
 - B. Agayi pa-maraka-na nàda lawai balu kamila?
 - C. Iya maraka-nadi kaàtu-pona hi'na?
3. Yesus na-patàgaha-yi ata ka-katilu lopo ka-kabànga jàla.
 - A. Iyayi pangidi-na ata ta arona i Yesus?
 - B. Agawe parái' na i Yesus?
 - (a) napalu-yi nàda ata ka-kabànga lopo ka-katilu jàla.
 - (b) na-patama-ni karàki limana ta katilu-na mono nanàto-nage làmana nàda ata.
 - C. Da-hangà tara tetaka ata mono lidage,
 "Yesus kàhawe,
 ata ka-..... na-padadi-ge ,
 ata ka-..... na-padadi-ge"